



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

KABINET PREDSJEDNIKA I POTPREDSJEDNIKA

Broj: 01-4-03-3-468/23

Sarajevo, 25.4.2023.godine

BOSNA I HERCEGOVINA

MINISTARSTVO KOMUNIKACIJA I TRANSPORTA BiH

N/r gdn. Edin Forto, ministar

MINISTARSTVO SAOBRAĆAJA I VEZA REPUBLIKE SRPSKE

N/r gdn. Nedeljko Čubrilović, ministar

FEDERALNO MINISTARSTVO TRANSPORTA I KOMUNIKACIJA

N/r gdn. Denis Lasić, ministar

PREDMET: Podrška Inicijativi za snižavanje naknada za korištenje radio-frekventnog spektra za mobilne operatore u BiH, *dostavlja se*

Poštovani,

Na 22. Sjednici Odbora IKT Asocijacije STK/VTK BiH, održanoj dana 21.03.2023. godine, Odbor IKT Asocijacije je donio Zaključak da se **ponovo** podrži Inicijativa mobilnih operatera u BiH (Mtel a.d Banja Luka, BH Telecom d.d. Sarajevo i JP Hrvatske telekomunikacije Mostar) za snižavanje naknada za korištenje radio-frekventnog spektra za mobilne mreže u BiH. Stav Odbora je da su zahtjevi sva tri mobilna operatera realni i opravdani i da su naknade za korištenje radio-frekventnog spektra u dijelu koji se odnosi na bežične pristupne sisteme neprimjereno visoke, te kao takve neusklađene sa strateškim opredjeljenjem BiH da podstiče razvoj širokopojasnog pristupa kao osnove za razvoj digitalnog društva.

Spoljnotrgovinska komora BiH je podržala ovu inicijativu još krajem 2021. godine uputivši dopis broj: 01-4-01-4-1360/21 od 27.12.2021.godine - Podrška inicijativi za snižavanje naknada za korištenje radio-frekventnog spektra za mobilne operatore u BiH, na adresu Ministarstva komunikacija i transporta BiH (dalje u tekstu: MKT BiH), kao i Ministarstva saobraćaja i veza Republike Srpske i Federalnog ministarstva prometa i komunikacija. Entitetska ministarstva su takođe podržala ovu inicijativu.

Podsjećamo da je i MKT BiH podržalo ovu inicijativu i prijedlog izmjene naknada za korištenje radio-frekventnog spektra za bežične pristupne sisteme uputilo na javne konsultacije putem internet portala e.konsultacije. Predmetnim prijedlogom za izmjenu Odluke je bilo predviđeno smanjenje naknada u iznosu od 20%, umjesto predloženih 50%.

Međutim, prema našim saznanjima ova inicijativa još uvijek nije prihvaćena od strane Ministarstva finansija i trezora BiH, te se do danas nije ništa uradilo po ovom pitanju.

Telekom operateri su uz Inicijativu za snižavanje naknada izradili i zajedničku Studiju, potpisanu od strane generalnih direktora sva tri operatera, u kojoj su detaljno obrazložili sve aspekte opravdanosti prihvatanja i istu dostavili nadležnim institucijama.

Mišljenja smo da je zahtjev mobilnih operatera za snižavanje naknada za korištenje radio-frekventnog spektra za mobilne mreže u BiH sasvim opravdan i tražimo da shodno Zakonu o komunikacijama BiH i Zakonu o Savjetu ministara BiH Ministarstvo komunikacija i transporta BiH prihvati ovu inicijativu, da date podršku i uputite prijedlog Savjetu ministara BiH na razmatranje u cilju rasterećenja mobilnih operatera i stvaranje boljih uslova za investiranje, privređivanje i razvoj.

Molimo Vas da u granicama nadležnosti i mogućnosti MKT-a ponovo aktuelizirate ovu problematiku kako bi Savjet ministara u što skorije vrijeme usvojio Odluku za snižavanje naknada za korištenje radio frekventnog spektra mobilnih teleoperatera.

Za sva dodatna objašnjenja stojimo na raspolaganju.

S poštovanjem,



Dostavljeno:

- Naslovu,
- a/a-03
- a/a